

金詩選

三

柳田文庫

文庫11

D 140

3



文庫 11
D 140
3



金詩選卷三

無錫顧奎光星五選

陶玉禾昆穀叅評

張璪一首

送侯道士

十年走南北黃塵汗入衣
翩翩夜啼鳥一枝無可
依問君何所如鳧鳥東南飛
恨我不得往失脚穿
與機從君知不能一笑人間
非何水無蒲魚何山
無蕨薇終當拂衣去
往叩雲山扉

金詩選卷三



010190553340

徐好問一首

龍門

疏鑿而來道路通。行人萬古翠微中。南山山寺題詩滿。一字何曾到禹功。

高永一首

跋賈天升所藏段志寧山水

蒼壁雲氣湧。長松風雨寒。湍流擘山出。玉缸飲溪灣。胸中無雲夢。筆底無江山。想見破墨初。布袖蛟龍蟠。壯觀駭心魄。萬象本自閒。寒齋靜相對。遠意空追攀。

與健自喜

劉豫六首

雜詩六首

劉豫身為叛賊與張邦昌同罪而佐金南侵其惡更甚不意其詩蕭洒有風致工絕乃尔

竹塢人家瀕小溪。數枝紅杏出疎籬。門前山色帶烟重。幽鳥一聲春日遲。
風荷柄柄弄清香。輕薄沙禽落又翔。紅日轉西漁艇散。一川山影暮天涼。
古渡停驂日向沈。淒涼歸思梗清吟。碧山幾點塞鴻靜。紅葉一林秋意深。
倚崑蕭寺據危崖。丈室軒窓面水開。雪霽莫寒山月上。數竿修竹一枝梅。

金詩選 卷三
畫色清明著色圖山光疑翠接平湖烟嵐自古人
難畫遠即深深近却無
寒林烟重暝棲鴉遠寺疎鐘送落霞無限嶺雲遮
不斷數聲和月到山家

耶律履一首

史院從事日感懷

不學知章乞鑑湖不隨老阮醉黃壚試從麟閣諸
賢問肯屑蘭臺小吏無一戰得侯輸安尉長身奉
粟媿侏儒禁城鐘定燈花落坐拊塵編惜壯圖

梁瑄一首

留題長平驛

秦趙均為失霸圖起何殘忍括何愚殺降未見無
禍者累將其能有種乎日莫悲風噓丹水夜深寒
月照頭顱快心千載杜郵劍人所誅耶鬼所誅

胥鼎一首

送弟恒作州

男子四方志人生五馬榮君恩何以報民政不宜
輕御物當存恕存心要盡誠勿矜新號令姑守舊
章程斂暴單貧困囚淹狡偽萌慈柔難禁暴苛急
必傷生東郡吾將老西陲敵未平一生能幾別四

喜用成語以
生硬見奇自
是習氣然三
四實使得益
切要運有鋒
稜具亦手捕
長蛇之力起
結未佳當分
別觀

樸實老當絕
無粉飾此等
詩最是有益
不可以其平
易忽之○又
送弟有之句
云世事正須
高著眼官情

休歎少任頭
皆歷鍊老成
語也

事果難并方此對床樂愴然分袂驚荒詩何足記
聊寫弟兄情

楊 慥 一首

過司竹監有懷王監正之

不見崧丘跨鶴仙才名留得萬人傳春郊漬酒傷
今日夜雨論文記昔年宰樹謾懸公子劍高山已
絕伯牙絃故居脩竹青青在寤莫終南落照邊

孟宗獻 一首

舊蓄一琴棄置者久矣李君仲通為張絃料
理仍鼓數曲以詩贈之

我家箏奴憂樂同塵埃滿面鬢髮蓬徽絃不具挂
墻壁似慙無以娛哀翁夫君一見為披拂坐使寒
谷回春融中含太古意味足雜以新態來無窮鯨
聲流水不可喻直與造化相冥通形神久已坐灰
槁一旦抉剔驅盲韻窅然反聽杳難詰但覺萬竅
俱玲瓏千金不得和扁力誰謂起廢由枯桐曲終
玄旨竟誰會非絃非指仍非空拂衣欲往君且止
為我乘興彈悲風

王中立 一首

雜詩

遺山論詩絕
句有情芍藥
含春淚無力
薔薇臥晚枝

拈出退之山石句始知渠是女郎詩其論出中立遺山嘗問作詩究竟當如何中立因舉少游春雨詩曰此非不工但以退之芭蕉葉大拖子肥句校之則春雨為婦人詩矣破却工夫何至作婦人遺山論詩蓋祖述其語也中立詩粗豪僅可錄此

華山宮殿白雲封不見當年打睡翁貪看終南山色好不知紅日下前峯

王予可一首

雜詩

白露沙灘浸綠湄小舟艤岸尚依稀山回屏曲江連樹春鎖人家深處歸

薛繼先一首

九日感懷

哀年易感我今知無訝騷人動楚悲故國久拋兵劫後佳辰多負菊花期一時蘭艾同凋落兩鬢雪

霜仍別離高世輸他陶靖節悠然高興滿東籬

張潛一首

寄人宰縣

縣務無難易人才自異同割雞良暫屈製錦要專工積弊去賊後遺黎喘汗中不存憂世志底用讀書功嫉惡看平日知君有古風莫教循吏傳獨載魯山翁

辛愿七首

亂後

兵去人歸日花開雪霽天川原荒宿草墟落動新

十字警策

草宿煙新鮮
虛田發皆切

全詩選

卷三

五

亂後非泛然語

煙。困。鼠。鳴。虛。壁。飢。烏。啄。廢。田。似。聞。人。語。亂。縣。吏。已。催。錢。

亂後還三首

敬之詩骨蒼古風格最老又經亂離貧困窮乃益工諸作雅健不以贅牙為奇

兵。戈。為。客。苦。思。鄉。春。莫。還。鄉。却。自。傷。典。籍。散。亡。山。閣。冷。松。筠。憔悴。野。園。荒。鶯。銜。晚。色。啼。深。樹。燕。掠。春。陰。入。短。墻。鄰。里。也。知。歸。自。遠。競。將。言。語。慰。淒。涼。亂。後。還。家。春。事。空。樹。頭。無。處。覓。殘。紅。棠。梨。妥。雪。霏。新。雨。楊。柳。聽。綿。颺。晚。風。談。笑。取。官。驚。小。子。艱。難。為。客。媿。衰。翁。殘。年。得。見。休。兵。了。收。拾。閒。身。守。桂。叢。春。來。漂。泊。心。情。減。老。去。艱。難。氣。力。微。芳。草。際。天。愁。

因戰爭之亂而想巢由不無端與起

思。遠。干。戈。滿。地。故。人。稀。懷。金。躍。馬。時。何。有。問。舍。求。田。事。已。違。糲。食。敝。衣。聊。自。足。白。頭。甘。息。漢。陰。機。

過崧山

催。老。年。光。袞。袞。來。好。懷。知。欲。向。誰。開。箕。山。潁。水。春。風。裏。呼。起。巢。由。共。一。杯。

山寒

山。寒。春。盡。早。關。門。新。月。微。光。照。短。垣。可。恨。莫。雲。欺。落。景。却。將。殘。靄。助。黃。昏。

山園

歲。莫。山。園。嬾。再。行。蘭。衰。菊。悴。頗。關。情。青。青。多。少。無。

詩甚極深蘭衰菊悴以况

歲。莫。山。園。嬾。再。行。蘭。衰。菊。悴。頗。關。情。青。青。多。少。無。

君子無名草
以况小人殘

陽暖處喻國
家也託意微
婉得風人之
旨

沈鬱頓挫寄
託遙深每首
結語隱然自
負呼云耿耿
自信也遺山
稱其磊落清
壯有幽并豪
俠忱慨歌謠
之氣數首足
見其概

名草爭向殘陽暖處生

李汾五首

汴梁雜詩四首

天津橋上晚涼天
鬱鬱皇州動紫煙
長樂觚稜青似染
建章馳道直於絃
犬牙磐石三千國
聖子神孫億萬年
一策治安經濟了
漢庭誰識賈生賢
琪樹明霞五鳳樓
夷門自古帝王州
衣冠繇會文昌府
旌戟森羅部曲侯
美酒名謳陳廣座
凝笳咽鼓送華輶
秦川王粲何為者
憔悴顛塵坐白頭
樓外風煙接紫垣
樓頭客子動歸魂
飄蕭蓬鬢驚

淒涼之音雄壯之氣

長源烟波蒼蒼
蒼蒼孟津成旌
旗歷歷河陽
城阮亭推為
高唱然未載
全篇此首氣

秋色狼籍麻衣浣酒痕
天慙波光挫落日太行山
色照中原誰知滄海橫流
意獨倚牛車哭孝孫
寒落關山對月明
客窗遙夜夢魂驚
二年岐下音書絕
八月河南風露清
冉冉莫愁生
草色迢迢秋思入
蟲聲誰知廣武英雄
歎老却窮途阮步兵
避亂陳倉南山回望
三秦追懷淮陰侯信
畧賦長句

憑高四顧戰塵昏
鷄野山川自吐吞
渭水波濤喧隴阪
散關形勢輒興元
旌旗日落黃雲戍
弓劍霜寒白草原
一飯悠悠從漂母
誰憐國士未酬恩

李詩選

卷三

六

格亦復相類

李獻甫一首

秋風怨

踈星耿耿明。天河夜涼翠幕生。微波碧梧委葉傳。金井一夕秋風將。奈何春風令人和。秋風感人悲。妾愁自與秋風期。秋風爭管人別離。燈炷垂紅粉。泥暗龜甲屏。風雲影亂。絡緯弄月啼。不斷蓮漏聲。荷夜未半涼。颼蕭蕭入脩竹。枕底寒聲碎。瓊玉敲愁撼。睡不明。花露盈盈泣。魚目秋風且莫吹。念妾守空閨。嫁狗隨走雞。隨飛九死莫作蕩子妻。郎薄倖妾薄命。花自無言絮自定。碧雲莫合郎未歸。

似長吉語

結有餘意

幾度粧成掩明鏡

元德明六首

同侯子晉賦雁

賦雁詩甚夥。至牧之仙掌。月明孤影過。長明燈暗數。聲來更無出其右者。此詩歇枕二語亦復清絕。

沈沈江浦雲。浩浩朔漠雪。微生幾寒暑。翅老飛欲折。樓中見新過。夕照送明滅。歌枕數聲來。疎窗耿殘月。悲鳴或天性。南北隨所慙。誰念孤旅人。年年為愁絕。

送德温同舍赴簾試

太常侍祠水蒼佩。內相夜下金蓮燭。皇家結網未嘗疎。亦有佳人在空谷。一從唐賦變。遠律仰視折。

覺唐人語為孟浪。此何其婉約也。

金詩選 卷三
楊猶雅曲。雲臺勛業一青衫。被髮操戈踵相屬。筋
疲力涸。僅乃得墨水一升。凡幾辱英雄。俯首入鼓
中。舉世悉然。非子獨子。家口衆親。又老歲月。旨甘
須寸祿。薦書聞說過南宮。冷暖人情到。僮僕我初
與子偕。計吏人後人前。隨碌碌不慙。齊客售鼓瑟。
頗為荆人悲。獻玉一詩。今日送君行。萬里秋風看
鴻鵠。功名前路知不免。雞黍後期猶未卜。錦標無
用。吃龍頭。帛書且當傳雁足。

謝張使君夢弼餽春肉

牙豬肋厚一尺。玉鹽花入深。蒸脫骨。韭芽蓼甲春。

二語惘然覺
通首真至

滿盤走送茅齋慰幽獨。山人食貧才一粥。幾被艾
生朝首着。食前方丈非素懷。頗憶懸袒繞高屋。呼
來鄰叟共一飽。為說使君方繼肉。飢民待哺今幾
家。無策贊君慙。此腹區區一肉見。歌詠說食書生
良未足。却愁今夕夢寐間。有物踏破園蔬綠。

雨後

十日山中雨。今朝見夕陽。乾坤覺清曠。草棘有輝
光。竹影搖殘滴。松聲送晚涼。南窗聊自適。何用說
羲皇。

寒食再遊福田寺

寫雨後景盡
矣。乾坤二語
氣象更開闊

春山窈窕掩禪扉。復嶺盤盤入翠微。布鞵青鞵供
勝踐。粥魚齋鼓薦玄機。日烘幽徑綠煙煖。風定曉
枝紅雨稀。曾是西堂讀書客。不應啼鳥也催歸。

歲莫

簌簌霜力勁。沈沈山氣冥。北風半夜起。吹動一天
星。

段克己 三首

景純浩然見過徑飲成醉。夜中雨作比近五
鼓。月色滿室。曉起書長語贈二子。

退之方北歸。見蝎即成喜。東坡還泗上。鐸聲欣入

耳。而况羈旅中。解后遇知己。東風澹蕩百草芳。游
絲飛絮白日長。一杯相祝對流水。白酒微帶芹溪
香。漁歌樵唱竟相屬。不覺半山無夕陽。醉卧山堂
聽山雨。冰雪對床揮夜語。一燈照壁映悠悠。恰似
孤舟泛清楚。夢回酒醒明月高。風雨向來無處所。
人生哀樂本皆空。莫令身世如飛蓬。

微雨後偶成

孤憤憑誰訴。長歌聊自怡。整衣憐瘦減。扶杖覺衰
遲。小飲非愁敵。輕寒與睡宜。今朝春雨好。穉子莫

啼飢。

婉約

和家弟誠之社燕之作

欲歸誰不遣君歸却恨歸來事事違烽火未休家
信少山川良是故人稀黃金入手還能散白雪盈
頭不肯飛試問春愁多幾許長江滾滾日暉暉
段成已 五首

余懶日甚不作詩者二年矣間者二三子以

歌詠相樂請題於吾兄遜菴遂以歲月坐

成晚命之因事感懷成五章以自遣志之

所之不知其言之陋也覽者將有取焉

負暄頽簷下病骨喜新霽微風動天宇木葉隕虛

胸次恬淡語
靜不必

規擬靖節却
有合處

砌緬懷平生事奔走媿非計投身田野間心跡得
少憇時榮豈不慕省躬自當逝薇蕨滿春山猶可
以終歲

罷書掩關卧窗牖亂清樾風枝驚宿鳥札札畏顛
越葉聲走前庭誤聽雨未歇不知霜已重但覺寒
切骨耿耿不能寐起坐候明發試問夜何如虛簷
轉殘月

晨起坐高齋烏啼幽寂破小兒具文墨信手供日
課既無寵辱驚又不至飢餓自量亦云幸到此能
幾箇更欲希世榮所望母乃過蒲團正温厚得穩

蒲團自有妙
理

且安坐

無數感慨出
以和平

青山如有情向人。呈偃蹇我本山中人。一出偶忘
返崎嶇。半天下始覺。居山穩。力極勢自迴。苦不費
推挽。稅駕良在茲。千里豈云遠。舉手謝山英。應笑
歸來晚。

題梁氏靜樂堂

攘攘區中人。役心名與利。於身竟何有。乾沒不少
置。射故有耳孫。犖犖與時異。一官不肯覓。閒居養
高志。築室塵境中。中有塵外意。方其歎。蠶啾歸來
行。少墜牀頭一卷書。淨洗紛華累。苟能樂其樂。寧

復事吾事。見客不吝情。有酒即成醉。為問東華塵
何如。北窗睡。清風吹我懷。萬事覺無味。誰知方寸
間。自有清涼地。

劉 祁 三首

古意二首

庭前有桂樹。綠葉尚離披。秋風動地起。飄落將安
歸。高飛入青雲。下飛入汙泥。貴賤既偶爾。孰為喜
與悲。

秋江有芙蓉。顏色好鮮潔。寒裳欲采折。水深不可
涉。嚴風下飛霜。芳艷空凋歇。惆悵一長歎。臨川無

桂檝

懷長源

清酒中有沈
警語

涼月夜如水，秋風吹紫蘭。獨居悵無聊，佳人阻河
山。山河邈千里，相望何時已。雲橫雁影沈，露下蟲
聲起。烽火照中州，西南殺氣浮。君居劉山下，果若
向時不。人生有離別，但惜知音絕。匣中卧青龍，光
芒射秋月。汴水碧參差，葉飛空。樹枝如何相憶處，
還值暮秋時。

麻革四首

置酒半山亭得秋字

渾渾有氣

懷抱久不寫，兀坐如繫囚。永懷西山勝，浩蕩成茲
遊。巖壑互窈窕，叢蘿鬱深幽。飛煙入虛無，長風跨
崑崙。楚甸散林莽，商頽亦綢繆。雷雨天地空，景物
入夜浮。况當節律變，萬物颯以秋。雲來白日慘，天
澹清江流。西望渺關河，沈沈生暮愁。蘭苔暗幽谷，
芰荷老芳洲。一笑舉酒觴，浩歌聊自酬。幽賞興未
極，慨嘆心悠悠。世事蒼茫外，寒沙明白鷗。

送杜仲梁東遊

野馬何決驟，飛雲何悠颺。商巖不足羈，此士又欲
東。略宋與梁，青山不知老。白山乃許忙，菊潭之水

音節甚古

詩集

卷三

三

清冷淵野人飲之得長年芳釀不買壽淡泊差可
久北山峩峩蒼翠巔丹崖石老生紫煙靈芝秋杞
老霜骨黃精茯苓飽新劉望君蘄蘄病以癯酌之
食之可以還膚腴况有劉荊州元丹正子寧舍之
汗漫遊涼秋佳月酒一杯送子東下心徘徊半山
亭前一茅屋歲寒霜勁當歸來

渡洛

泉石經行久林止弭望間溪鳴風蕩水谷暗雨含
山淡淡輕鷗沒飛飛倦鳥還世緣良自苦空羨野
雲閒

竹林院同張之純賦

稍稍林間布穀聲村南村北水雲平偶來竹寺看
山坐閒聽清溪繞舍鳴

張字一首

雲溪秋泛圖為閻國寶賦

晴嵐滴翠霜樹殷石錦錯落苔花斑人家隱約荒
靄外但見籬落連柴關兩山中斷忽空曠下有碧
水之潺湲幽人航葦迷遠近思致偃蹇無容攀定
非鳴夷成霸業一舸五湖煙浪寬又非坡仙遊赤
壁酒酣浩歌江月寒亦當拄杖橫齋看南山心與

筆如行雲流
水初無定質
若將古人景
作此擬便是

拙筆

白雲相對閒胡為狀山瞰芳渚岬草汀花適幽趣
有聲之畫無聲詩夏蟲未易寒水語或云此本張
李鷹尊鱸忽憶扁舟輕蹇余有家歸未得一見秋
風羽翼生

陳賡 三首

遊龍祠

黃河如絲導崑崙萬里南下突禹門枝流潛行大
地底派作八道如霆奔吾聞川真嶽靈有冥宰况
乃利澤開洪源神龍窟宅瞰平野千古廟貌何雄
尊深林含蓄雷雨潤冷殿似帶波濤痕我來南州

風格自老

走塵空執熱未濯憂思煩試斟甘冽洗肝肺一勺
注腹清且燉悠悠晞風生東廡倏見繪畫如飛騫
仙官華裾乘朱軒旗纛掩鵠蛟伏轅雷公電母踏
煙霧天吳海若驅鼉龜何時借取霹靂手倒挽銀
漢清乾坤廟前老翁顧余語孺子未易排天閤胡
為高論乃如此一笑滿面春風溫是時三月游人
繁男女雜遝簫鼓喧寒菱沈玉答靈貺割牲醴酒
傳巫言巫言恍惚廟扉闔拜手上馬山煙昏

寒食祀墳迴登臨西原廢寺二首

前朝廢寺枕山阿尚有摩雲窳堵坡故國已非唐

五六雖無奇
特然自樸至

日月老僧猶指晉山河年來筋力登臨倦亂後心
情感慨多石蘚荒碑碎文字他年更得幾摩挲
當年雲構倚天開一夕煙塵化劫灰佛閣丹青餘
瓦礫禪房花木亦蒿萊春風萬里騷人怨落日千
秋杜宇哀斷礎荒煙無限意一章詩律為誰裁

結蕭索

陳康一首

清明後書懷

花氣薰人動竹齋貪看狂思若為裁蜂粘落絮飛
還隊燕認新巢去復來亂後精神猶夢境貧中風
景剩詩才江山信美非吾土懷抱何時得好開

沈靜

雄壯

杜仁傑一首

雪後書事

雪後山原淨日晴風景新一川花氣午萬壑水聲
清天地開華國關河失戰塵無邊春色裏惆悵獨
行人

元好問上四十八首

獵城南

翩翩遊俠兒白馬如疋練朝出城南獵莫趁軍中
宴北平有真虎愛惜腰間箭

緱山置酒

起廢錄以下
繚繞映綴都
非閑話

靈宮肅清曉。細栢含古春。人言王子喬。鶴馭此上
賓。白雲山蒼蒼。平田木欣欣。登高覽元化。浩蕩融
心神。西望洛陽城。大路通平津。行人細如蟻。擾擾
爭紅塵。蓬萊風濤深。鬢毛日夜新。殷勤一杯酒。媿
爾雲間人。

光武臺

東南地上游。荆楚兵四衝。游子十月來。登高送長
鴻。當年赤帝孫。提劍起萬蓬。一顧漁水斷。再顧新
都空。雷霆萬萬古。青天看飛龍。巋然此遺臺。落日
荒煙重。誰見經綸初。指揮走羣雄。白水日夜東。石
麟幾秋風。空餘廣武歎。無復雲臺功。

穎亭留別

故人重分攜。臨流駐歸駕。乾坤展清眺。萬景若相
借。北風三日雪。太素秉元化。九山鬱崢嶸。不受
陵跨。寒波淡淡起。白鳥悠悠下。懷歸人自急。物態
本閒暇。壺觴負吟嘯。塵土足悲吒。迴首亭中人。平
林澹如畫。

隱亭

春物已清美。客懷自幽獨。危亭一徘徊。翛然若新
沐。宿雲淡野川。元氣浮草木。微茫盡楚尾。平遠疑
杜曲。生平遠遊賦。吟諷心自足。竭來著世網。抑抑

就邊幅人生要適情無榮復何辱乾坤入望眼容
我謝羈束一笑白鷗前春波動新綠

元魯縣琴臺

荒城草木合破屋風雨侵千年一琴臺
瞻焉涕盈襟遺愛食縣社公寧不堪任
此臺即甘棠忍使無餘陰旁舍高以華
大豪日捐金蒼雲玄武暮鬼物憑陰岑
尚德抑玄虛隊典誰當尋我興薦寒泉
百拜公來臨公來不能知落日下饑禽
懷哉空山裏鶴飛猿與吟當年于蕙歌
補袞一何深承平示得意獨能正哇淫
君相此一時又復悟良箴諛臣坐

從臺之荒廢
感慨跌宕而
無吊古詩習
氣

沈疇

廢黜盍亦起幽沈蒲輪竟頽穀香草空深林
寂寞投書室孤甥舉遺衾生平諒已然薄俗矧來今
千山為公臺萬籟為公琴夔曠不並世月露為知音
人間蹄涔耳已矣非公心

古意

桃李弄嬌嬈梨花澹丰容盈盈兩無語
鰾鰾爭春風春風何許來草木誰青紅
天公亦老矣何意夸兒童昨夜花正開
今朝花已空川流不肯駐駢與繁華東
梗楠千歲姿散骸空谷中陽和不擇地
亦復難為功本無兒女心安用尤天公

贈答劉御史雲卿

黨格護朽聚訟紛紜尚是古人厚處至於憑小慧私見批於前人而浮薄極矣此詩自有關係

學道有通蔽今人乃其尤溫柔與敦厚掃滅不復留高蹇富父師排擊劇寇讐真是未可以自思有足羞古人相異同寧復操文矛春風入萬物枯枿將和柔克己未有加歸仁亦何由先儒骨已腐百罵不汝酬胡為文字間刮垢搜癥疣吾道非申韓哀哉涉其流大儒不知道此論信以否我觀唐以還斯文有伊周開雲揭日月不獨程張儔聖途同一歸論功果誰優戶牖徒自開膠漆本易投九原如可作吾欲起韓歐

樸至不雕琢深得贈言古意

思深履遠皆閱歷有得之言

送欽州內翰并寄劉達御郎中白文舉編脩

君性我所諳我心君所知凡我之所短君亦時有之謀事恨太銳臨斷恨太遲持論恨太高徇俗恨太卑人道自近始負富理不齊君自不得飽欲療何人饑乞醯乞諸隣聖哲有明譏被髮救鄉人智者所不為且如與人文交有非所宜白黑不復擇豁豁傾心脾泛愛豈不可後悔終自貽又如與人言寧復無失辭刺口論成敗白眼談歌詩世故鼓黃間能不發其機聞君作損齋似覺豪華非懲忿與室慾百年有良規與子各努力歲晚以為期

用古恰好亦
復韻甚

古人遙相望。每恨不同時。同時得古人。歡樂良在茲。君歸豈不佳。交遊滿京師。門前車馬來。笑言慰所思。細括洛陽事。高詠嵩山詩。宮壺發新篇。宮梅耿幽姿。故應劉與白。亦復念微之。

龍潭

層水積浩蕩。陵谷互吞吐。窈窕轉幽壑。突兀開淨宇。回頭山水縣。亦復踣塵土。孤雲鐵梁北。宇宙一仰俯。風景初不殊。川途忽脩阻。寒潭海眼淨。黧黑自太古。蟄龍何年卧。萬國待霖雨。誰能裂蒼崖。雷風看掀舉。

龍門雜詩

石樓繞清伊。塵土天所限。人言無僧久。草滿不復刈。灘聲激悲壯。山意出高蹇。當年香山老。掛冠遂忘返。高情留詩軸。清話入禪版。誰言海山去。蕭散仍在眼。溪寒不可涉。倚杖西林晚。

乙酉六月十一日雨

一旱近兩月。河洛東連淮。驕陽佐大火。南風捲黃埃。草樹青欲乾。四望令人哀。時時怪事發。雨雹如李梅。我夢天河翻。奔騰走雲雷。今日復何日。駛雨東南來。元氣淋漓中。焦卷意已回。良苗與新穎。鬱

真情真語

結以滑稽正
得不盡之意

不作竭力形
容語却是沛
有餘力

鬱無邊涯書生如老農苦樂與之偕
間聞吉語一笑心顏開
酉年酒如漿乾溢安能裁
唯當作高廩且多尊與墨家人
笑問我君田安在哉

觀浙江漲

一旱千里赤一雨垣屋敗
浙故以江名暴與眾壑會
初驚沙石捲稍覺川谷隘
雷風入先驅大塊供一噫
千帆鼓前浪萬馬接後派
崩崖不暇顧拔木無留礙
憑陵如藉勢回泐各有態
平分乍舒徐怒觸忽碎壞
雲蒸楚樹杪雪映商嶺背
髣髴千丈潮况與海門對
欣飛鬪蛟鱷燃犀出鱗介
陽侯富陰

族萬首露光怪翠鞋澹偃蹇
鉦鼓亂碣磴永懷疏鑿力
重歎神禹大乾坤水為壑
未礙變橫潰納汙非無處
流惡聊自快投書與龍盟
滌蕩煩一再

鶴雀崖北龍潭

層崖悶頑陰水木深以阻
湍聲半空落洶洶如怒虎
風生木葉脫魄動不敢語
何年渾沌竅靈物此棲處
初從一綫溜開鑿到神禹
雲雨鼓飛浪噴薄齊萬弩
藏珠驪龍領百斛快一吐
油油入無底細散不濡縷
歸藏海有穴汎溢愁下土
南峰天一柱萬古鎮幽府
江山有奇探落景迫行旅
多勉茹芝

人終年看飛雨

五松平

竹港晨露白石門秋氣寒湍流落澗壑細路深茅
管江平白石出竟日泓清灣四顧不見人山鳥時
間關蒼崕入地底煙靄青漫漫力盡不能過却坐
空長歎青天白雲閑可望不可攀虛名竟何得行
路乃爾難

贈答楊煥然

詩亡又已久雅道不復陳人人握和鐸燕石誰當
分關中楊夫子高誨世所聞十年玄尚白藜藿甘

高波處時似
韋柳而氣力
雄勁清而不
弱

詩人愈多詩
道愈衰

傲兀磊落當
想其胸中濶
達處

長負有來河水篇四海付斯文斯文有定在桓生
知子雲古來知己難萬里猶比隣千人國中和要
非心所親東楚西南秦望君勞我神相逢不得語
別去徒殷勤白雲不可贈相思秋復春

曉發石門渡湍水道中

疎星澹秋明陰霞絢朝映積雨成坐愁晨光動幽
興石門歸馭引湍浦漁刀並曠蕩萬景新歸藏四
山靜平湖風漪綠遠岸秋沙淨洋洋遊儵逝泛泛
輕鷗泳隱顯乘夙心感寓見真性倦遊時自悼達
已將安竟憂端從中來茫茫發孤詠

洗鍊

放言

詩中作曠達語不難其氣橫逸乃不可及

韓非死孤憤。虞卿著窮愁。長沙一湘纍。郊島兩詩囚。人生定能幾。肺肝日相離。并蛙奚足論。禪蟲良足羞。正有一朝樂。不償百年憂。古來帝王師。或從赤松遊。大笑人間世。起滅真浮漚。曾是萬戶封。不博一掉頭。有來且當避。未至吾何求。悠悠復悠悠。大川日東流。紅顏不暇惜。素髮忽已稠。我欲升嵩高。揮杯勸浮丘。因之兩黃鶴。浩蕩觀齊州。

黃公廟

羈客無恒居。六月走長路。清風黃公祠。地古欣所

遇。劍飛素靈哭。龍躍雲雨赴。堂堂文成君。談笑取帝傳。功名要有命。陰相果何預。誰謂圯上人。異事驚竹素。河清不可俟。筋力疲世故。袖間一編書。塵埃歎遲莫。

學東坡移居

誰謂我屋寬。寢處無復餘。誰謂我屋小。十口得安居。南榮坐諸郎。課誦所依於。西除著僮僕。休休得自如。老我於其間。兀兀窮朝晡。起立足欠伸。偃卧可展舒。窗明火焙煖。似欲忘囚拘。屋前有隙地。客舍不可無。花欄及菜圃。次第當耘鋤。東野載家具。

家具少於車我負不全負尚有百本書

壬辰困重圍金粟論升勺明年出青城瞑目就東

縛毫釐脫鬼手攘臂留空橐聊城千里外狼狽何

所託諸公頗相念餘粒分鳧鶴得損不相償坏土

填巨壑一冬不製衣繒纒如紙薄一日僅兩食強

半雜藜藿不羞蓬累行粗識瓢飲樂敵貧如敵寇

自信頗相慙兒啼飯籬空堅陣為屢却滄溟浮一

葉渺不見止泊五窮果何神為戲乃爾虐

舊隱嵩山陽笋蕨豐餽餉新齋浙江曲山水窮放

浪乾坤兩茅舍氣醴華屋上一從陵谷變歸顧無

大為茅舍生色

國破家亡言之有餘恫矣

島夷索虜互相詆諆南北朝史如是

遺山不死蓋以國史為已

復望漁樵憶還往風土夢閑曠恍如悟前身姓改

心不忘去年住佛屋盡室寄尋丈今年儼民居卧

榻擬益盜靜言尋禍本正坐一出安青山不能隱

俛首入羈鞅巢傾卵隨覆身在顏亦強空悲龍髯

絕永負魚腹葬置雖良有餘終身志懲創

國史經喪亂天幸有所歸但恨後十年時事無入

知廢興屬之天事豈盡乖違傳聞入讎敵祇以興

罵譏老臣與存亡高賢死兵飢身死名亦滅義士

為傷悲哀哀淮南城萬夫甘伏尸田橫巨擘耳猶

為談者資我作南冠錄一語不敢私稗官雜家流

任野史序撰
述十餘萬言
是詩殆其小
序

國風賤婦詩成書有作者起本良在茲朝我何所
營暮我何所思胸中有茹噎欲得快吐之濕薪煙
滿眼破鏡冰生鬢造物留此筆吾貧復何辭

別李周卿三首

行路澀於棘單車望千山歌君歸雲曲清涕留餘
潛六年河朔州動輒得謗訕唯君篤高義日日来
柴關古文松柏心今交桃李顏古人去不返古道
挽不還相思一樽酒幽恨寄山間
風雅久不作日覺元氣死詩中柱天手功自斷鰲
始古詩十九首建安六七子中間陶與謝下逮韋

感慨語以淡
蕩出之

警策

柳止詩人玉為骨往往隨塵滓衣冠語俳優正如
作婢使望君清廟瑟一洗箏笛耳

城居日蛙黽局促復局促去作山中客放浪誰檢
束溪光淡於冰山骨淨如玉懷我同心人團茅住
深竹垂綸鮮可食種秫酒亦足石壇三萬丈醉眼
天一粟安得萬里風相從兩黃鵠

九日讀書山用陶詩露淒暄風息氣清天曠

明為韻賦十詩選五

行帳適南下居人踞庭戶城中望青山一水不易
渡今朝川涂靜偶得展哀步蕩如脫囚拘廣莫開

慨當以慷。○
漸近自然。不
煩斧削。他人
傷時感事。終
極妻苦。祇覺
蕭颯。

四顧半生無根著筋力。疲世故大似丁令威歸來。
歎墟墓鄉閭喪亂久。觸目異平素。粉榆雖尚存。歲
晏多霜露。

霜氣一叟薄。杳杳秋山空。臨高望煙樹。黃落雜青
紅。造物故豪縱。窮秋變春容。錦障三百里。不盡臺
山東。粲粲黃金華。羅生蒿艾叢。野人不知貴。幽香
散秋風。秋物自橫陳。顧揖苦不供。誰能搖醉筆。吐
句凌清雄。

宇宙有此山。閱世過鳥疾。何人不此遊。名姓寧復
識。茲辰世所重。前代多盛集。柴桑有故事。二謝留

俛仰今昔感。
慨係之情之
所鍾。正在我
輩。

俊筆併數孟與桓。此外誰記憶。人生百年內。踏地
皆陳跡。獨惟我輩人。興懷念今昔。山林與臯壤。自
古長太息。

往年在南都。閑閑主文衡。九日登吹臺。追隨盡名
卿。酒酣公賦詩。揮灑筆不停。蛟龍起庭戶。破壁春
雷轟。堂堂髯御史。痛飲益精明。亦有李與王。玉樹
含秋清。我時最後來。四座頗為傾。今朝念存歿。壯
心徒自驚。

我在正。大初。作吏浙江邊。山城官事少。日放浙江
船。菊潭秋花滿。紫稻釀寒泉。甘腴入小苦。幽光出

跌宕

遺山詩於蒲
酒俊逸之中

極沈鬱頓挫
之味

清妍歸路踏月明醉袖風翩翩父老遮我留謂我
欲登仙一別半山亭回首餘十年江山不可越目
斷西南天

梨花

梨花如靜女寂寞出春暮春工惜天真玉頰洗風
露素月澹相映蕭然見風度恨無塵外人為續雪
香句孤芳忌太潔莫遣凡卉妬

題張左丞家范寬秋山橫幅

層崖闕長陰細逕緣絕巘梯雲欄干峻廓廓清眺
展斜陽半天赤飛鳥大江遠清霜張秋氣草樹生

先寫畫景次
點入畫以歸
思作結章法
高老

意剪風雷斫堅敵旗旆紛仆偃崢嶸峯巒出蒼莽
林薄晚盤盤范家筆老懷寄高寒經營入慘澹得
處乃蕭散高丘動歸興突兀青在眼何時卧雲身
團茅遂踈嬾

宿張靖田家

川涂盡坡陀嶺路入荒梗微茫望煙火向背得廬
井殘民安朴陋倦客喜幽屏兒童聞叩扉租吏有
餘警兩崖紛藜薄砂石立頑犷湍流落空嵌百折
不容騁山深饒風露夜氣淒以耿園花澹相望邊
月空照影深居苦不早素髮忽垂領誰謂林野人

茲焉惜清景

寶巖紀行

陰崖轉清深秋老木堅瘦城居望已遠步覺脫氛
垢寶巖夙所愛文室方再叩曛黑繞入門徑就石
泉漱遙遙金門寺寶燄出岩竇我豈無盡公昔見
今乃又同來二三子寢飯故相就况有杜紫微琴
筑終雅奏矐矐上初日深樾烟穿漏逶迤陟兩巘
萬里若迎候絕壁三面開仰看勞引脰兩山老突
兀屹立柱圓覆諸峯出頭角隨起隨偃仆不可無
煙霞朝莫為先後橫亘連巨鰲飛墮集靈鷲九華

金元人紀遊詩皆刻意搜索然才力不逮求奇反庸陋者規撫南山詩多作比似語益無意味遺山只以朴老出之而鈍幽警險者亦無以過

與奇巧五老失渾厚想當位置初遂欲雄宇宙太
行有缺谷勝絕無出石大似塵外人肩宇見高秀
哀湍下絕壑雷擊龍怒鬪芴奔翻雪窖瑩滑瀉瓊
甃窮源得懸流偉觀賦初遘僊人寶樓閣白雨散
簷溜天孫拂機絲素錦絢清晝永懷登高賦意匠
困馳驟窘於游累秦百說不一售林間太古石稍
復杯飲舊已約銘窪尊細鑿留篆籀茲山緣未了
僧夏容宿留終當丐餘年奇探盡雲岫
同白兄賦餅中玉簪
畏景眾芳歇仙葩此夷猶冰姿出新沐娟娟倚清

此與梨花詩均非食烟火

人語

金詩選 卷三
秋昨夢今見之風鬟玉搔頭誰言閨房秀高情渺
林丘碧蓮古銅壺一室香四周懷人成獨詠遠思
徒悠悠

野史亭兩夜感興

私錄關赴告求野或有取秋兔一寸毫盡力不易
舉哀遲私自惜憂畏當誰語展轉天未明幽窗響
踈雨

想見慎重

天門引

秦王深居不得近從破衡成欲誰信白頭游客困
咸陽憔悴黃金百斤盡海中僊人黃鵠舉大笑人

妙論微詞

間爭腐鼠丈夫何意作蘇秦六印才堪警兒女古
來多為虛名老不見阿房淨如掃千年虎豹守天
門一日牛羊卧秋草

湘夫人詠

木蘭芙蓉滿芳洲白雲飛來北渚遊千秋萬歲帝
鄉遠雲來雲去空悠悠秋風秋月沅江渡波上寒
煙引輕素九疑山高猿夜啼竹枝無聲隋殘露

征西壯士謠

三十未有二十強手內虵矛丈八長總為官家金
印大不怕百死向沙場捉却賀蘭山下賊金鞍繡

幽秀

音節殊古

金言選 卷三
帽好還鄉

幽蘭

僊人來從舜九疑。辛夷為車桂作旂。疏麻導前杜若隨。披猖芙蓉散江蘼。南山之陽草木腓。澗崗重復人迹希。蒼崖出泉懸素霓。儵然獨立風吹衣。問何為來有所期。歲云暮矣胡不歸。鈞天帝居清且夷。瑤林玉樹生光輝。自棄中野誰當知。霰雪慘慘清入肌。寸根如山不可移。雙麋不返夷村飢。飲芳食菲尚庶幾。西山高高空蕨薇。露盤無人薦湘纍。山鬼切切雲間悲。空山月出夜景微。時有彩鳳來。

託意幽深。擇材秀艷。其骨韻仍自騷。來不在韻用字句。

雙棲

孤劍詠

鬱鬱重鬱鬱。夜半長太息。吟成孤劍詠。門外山鬼泣。清霜稜稜風入骨。殘月耿耿燈映壁。君不見一飢縛壯士。僵卧時自惜。黃鵠一舉摩蒼天。誰念樊籠束修翼。

望雲謠

涉江采芙蓉。芙蓉待秋風。登山採蘭苔。蘭苔霜早彫。美人亭亭在雲霄。鬱搖行歌不可招。相絃沈沈寫幽怨。愁心歷亂如曳蠶。金支翠蕤紛在眼。春草

慘澹無色。低相不平。

金詩清蒼而近薄元詩妍麗而近纖遺山空濶蒙宕意氣橫逸波瀾起伏自行自正不以粗率為奇不以雕搜為巧而其中縱橫變化不可端倪其長篇大章皆應如是觀

迢迢春波遠

去歲君遠遊送仲梁出山

去歲君遠遊今年客它州青山萬古一明月只與行人生暮愁問君遊何許情多地遐兮徧處處金鞭斷折騏驎死萬里長鴻思一舉憶初識子梁王臺清風入座無纖埃華嶽峯尖見秋隼金眸玉爪不凡材西園日晴花滿煙五雲樓閣三山巔玉樹瑤林照春色青錢白壁買芳年三年一夢南陽道汴水迢迢入秋草擊雲心事人不知千首新詩怨枯槁破屋仰見星踈衾風露清匣中有長劍為君

鳴不平泥途久辱思一濯去去舉足皆清冷鄧州大師材望雄愛君不減竒章公軍中宴酣笳鼓競銀燭吐燄如長虹幕中多士君又往談笑已覺南夷空東州春迴十月後梅花分香入春酒平生得意欽與京青眼高歌望君久浙江南下青云石門細路蒼煙屯五松平頭白日靜千山萬山如亂雲菊源不逐時事改芝嶺自與商顏鄰他日相思一迴首漁舟時問武陵人

虎害

北山虎有穴南山虎為羣目光如電聲如雷倚蕩

語無復痕迹
豈後古事古

起伏山之垠百人一飽不留骨敗衣隊絮徒紛紛
空谷絕樵聲長路無行塵呀呀垂涎口耿耿闕城
闐天地豈不仁社公豈不神哀哀泰山婦叫斷秋
空雲可憐封使君生不治民死食民世上無復裴
將軍北平太守今何人

送李參軍北上

不免以功名
而動以養親
之樂歎曲真
摯遠以感發
人性情此真
風雅

五日過居庸十日渡桑乾受降城北幾千里出塞
入塞沙湯湯古來丈夫淚不灑別離間今朝送君
行清涕留餘潛生女莫作王明君一去紫臺空佩
環生男莫作班定遠萬里馳書望玉關我知驥子

婉至

墮地無齊燕我知鴻鵠意氣青雲端草間尺鷃亦
自樂扶搖直上何勞搏一衣敝緼袍一飯首着盤
歲時壽翁媪團團有餘歡就令一朝便得八州督
爭似綠衣起舞舞春欄班去年雒陽人今年指天山
地遠馬羈破霜重貂裘寒朔風浩浩來客子慘在
顏扼胡嶺上一回首未必君心如石頭君不見桓
山烏乳哺不得須臾閑衆雛一朝散孤雌回顧聲
悲酸寒雁來時八九月白頭阿母望君還

泛舟大明湖

長白山前繡江水展放荷花三十里看山水底山

詩人之賦麗
以則

更佳一堆蒼煙收不起。山從陽止西來青一灣。天
公擲下半玉環。大明湖上一杯酒。昨日繡江眉曉
間。晚涼一棹東城渡。水暗荷深若無路。江妃不惜
水芝香。狼籍秋風與秋露。蘭襟鬱鬱散芳澤。羅襪
盈盈見微步。晚晴一賦畫不成。枉著風標誇白鷺。
我時驂鸞追散僊。但見金支翠蕤相後先。眼花耳
熱不稱意。高唱吳歌叩兩舷。喚取樊川搖醉筆。風
流聊與付他年。

湧金亭示同遊諸君

太行元氣老不死。上與左界分山河。有如巨鰲昂

橫豪倚放中
時出勁特之
句不致一瀉
無餘地

頭西入海。突兀已過餘坡陁。我從汾晉來。山之面
目。腹背皆經過。濟源盤谷非不佳。煙景獨覺蘇門
多。湧金亭下百泉水。海眼萬古留山阿。感沸滌水
源。淵淪晉溪波。雲雷涵鬼神。窟宅深蛟鼉。水妃簸
弄明月璣。地藏發世天。不訶平湖油。油碧於酒雲
錦。十里翻風荷。我來適與風雨會。世界三日漫兜
羅。山行不得山。北望空長哦。今朝一掃衆峯出。千
鬟萬髻高我我。空青斷石壁。微茫散煙蘿。山陽十
月未搖落。翠蕤雲旂相盪摩。雲煙故為出濃淡。魚
鳥似欲留娑娑。石間仙人迹。石爛迹不磨。仙入去

不返六龍忽蹉跎江山如此不一醉拊掌笑煞孫
公和長安城頭烏尾詔并州少年夜枕戈舉杯為
問謝安石蒼生今亦如卿何元子樂矣君其歌

金詩選卷三

皇和文化三年夏六月

館機樞卿校字

